



Senin, 11 Desember 2023

Ogen: Juna 4:1-3



Nembah Dingen Merawa



Adi lit penungkunen, pernah nge kam ernebeh ate, pernah kin kam merawa? Pasti kerina nge kita ngaku, biak sibage rupa lit i bas dirinta. Amin erbage-bage si erbahanca maka kita merawa. Jesus pe pernah merawa, sanga lit kalak erbinaga i bas kesain rumah pertoton. Tapi sierbahanca IA merawa pasti la seri ras kita, kususna si jadi i bas paksa tenengta wari enda.

Kai si jadi i bas kegeluhen si Juna enggo me ituriken i bas renungenta enda. I ja Juna pernah nilah i bas perintah Tuhan tapi jera ia erkiteken ipersingeti Dibata alu caraNa. Kenca mujijat si mbelin siinanamina ilakokenna kai siiperentahken Tuhan man bana. Tapi e ka pe kedungenna jadi ido-idona. Tole iturikenna ka nembeh atena kerna kai si jadi ulih kepatuhenna. Berita siibabana man kalak Niniwe mpeturah pengakun dosa dengen jera seh maka salih ukur Dibata, la iukumNa bangsa enda amin pe enggo ipesehna arah juna ukumen si ateNa ipesehNa. Keleng ate Dibata man kalak Niniwe mpeturah nembeh ate ras merawa Juna man Dibata, iulihina sekali nari turi-turin ngkai maka berkat ku Spanyol pemena Dibata ndilo ia. Payo kal penandai Juna Dibata maka Dibata e perkeleng ras perkuah, la minter merawa tapi melias, nggit ngobah keputusanNa gelah terkelin kalak perdosa. Tapi biak-biak Dibata e la atena kalak sideban ngalokenca, biak enda biak cian ate. Terdauhen, tempa mela ia kai siipesehna la kepe jadi erkiteken iobah Dibata keputusanna. Nembeh atena e seh ku bas sura-sura mate, ipindona gelah ibuat Dibata kesahna, tempa enggo ulin akapna mate asangken nggeluh. Biak si Juna la kal perlu iusih, sekalak perberita simeriah, meriah min iakapna adi kalak si jahat jera, ersurak min ukurna dikune perdosa nggit ngubah lagu langkahna.

✎ *Biak permenbeh dengen merawa tadingkenlah!*